

四庫全書

史部

欽定四庫全書

史部

會稽續志卷一

詳校官監察御史臣沈孫璉

檢討臣德生覆勘

總校官知縣臣楊懋珩

校對官中書臣李 藻

謄錄監生臣沈安邦

會稽續志原序

會稽志作於嘉泰辛酉距今二十有五年夫物有變遷
事有沿革今昔不可同日語也況城府內外斬然一新
則越又非曩之越矣苟不隨時紀錄後將何所攷昔虞
翻朱育答郡太守問會稽古今事應對如流纖悉勿遺
當時但歎其殫洽殊不知二公皆望人也其習熟有非
一日溟雖世本中原僑寓是邦蓋有年矣山川風土之
詳人材物產之富與夫事物之沿革變遷曩嘗訪聞茲

又目擊於越事亦粗稔懼其久而遺忘輒裒輯而彙次之總為一編曰會稽續志所書固辛酉以後事而前志一時偶有遺逸者因追補之疎畧者因增廣之譌誤者因是正之異時有問我以越事者敢執此以謝寶慶元年三月旦日梁國張湔序

欽定四庫全書

會稽續志卷一

宋 張渙 撰

越

史記越世家云夏少康之庶子

無餘也

封於會稽以奉禹

祠賀循會稽記云少康其少子號曰於越越國之稱始於此按越絕書禹到大越上茅山會計爵有德封有功更茅山曰會稽是越之稱已見於三代之前非始於無餘之封也賀循蓋未之攷爾言越而冠之以大則越自

金史卷一百一十五
卷一
昔為大國可知矣

會稽

會稽上應牽牛之宿下當少陽之位自晉渡江以來三吳豪傑嘗請以為都後雖不果亦足見當時以為重地言其形勢元帝以為今之關中言其豐腴則江左諸公比之鄠杜之間是擬之長安矣蓋其地襟海帶江方制千里實東南一大都會又物產之饒魚鹽之富實為浙右之奧區也昔熙寧中陳舜俞嘗云越為東南一都會

公私宴安百度饒羨蒼山白水連屬附郭古今以為人
物登覽之勝於是朝廷以守帥之重遇名卿佚元老似
非勲望地勢能居一時之右者莫敢當也在彼時其重
已如此况今日乎中興以來地拱行都去天尺五非但
為扶風馮翊而已

又

至唐中和三年升越為義勝軍以劉漢宏為節度使光
啓三年改義勝軍為威勝軍以董昌為節度使乾寧三

年改威勝軍為鎮東軍以錢鏐為鎮海鎮東軍節度使
且陞為大都督府鏐如越州受命還治錢塘號越州為
東府梁貞明中鏐既為吳越國王遂以杭為西都越為
東都其後又以越為會稽府以州為府不得其時鏐孫
儀潤判會稽府亦不知在
何以上史冊既備之則沿革之詳似不容略也故備論
於此

風俗

前志論風俗之美謂有禹之遺風王銍學記云餘姚有

諸馮之地舜所生也會稽之地禹所沒也舜禹功被萬世而有見於風俗又王安石有歷山賦蓋亦思舜而作也則習俗之美兼有舜之遺風矣

或謂舜居河東歷山雷澤各有其地越人

別指歷山舜井象田仍以餘姚上虞名縣風土記曲為之辭未免附會此周文忠公陸氏翼孟音解序也然自書傳阨于秦火彼是此非無從折衷是

否當不必問今但取其風俗之美耳

城郭

羅城隋開皇中楊素所築唐乾寧中錢鏐重修皇祐中守王逵復修且浚治池壕嘉定十三年守吳格雖重修

復多摧圯十六年汪綱又加繕治并修諸門城之東曰

五雲門

即古雷門晉王獻之所居有五色祥雲見故取以名門

水門曰都泗

舊作賜

東南曰稽山門水門曰東郭西曰迎恩門

唐昭宗命錢鏐討董昌鏐

以兵三萬屯迎恩門則迎恩之名其來久矣

西南曰常喜門

又謂之偏門

南曰植

利門北曰三江門以至堰埭亦皆修築似宣和劉侯有

光焉

子城嘉祐初刁約奏修之至八年始克成歲久復壞嘉

定癸未守汪綱既治羅城因并葺其闕壞譙樓并鎮東

軍門秦望門亦加腹飾而補苴之為一郡壯觀云

學校

慶歷四年詔天下皆立學景祐中李照始議創建至嘉祐中方成隆興二年吳芾重修周綰為記嘉定十六年汪綱又增葺之

縣學

嵎縣學在縣西嘉定七年守史安之移建於縣西南繼錦坊為屋百區袁燮作記

上虞縣學淳熙十一年令劉宮重修豐誼作記

山陰縣學嘉定十六年令趙汝駟重修郡捐緡錢三十萬以助其費陳耆卿作記

蕭山縣學嘉定十七年汪綱奏監和旨酒庫業應輔為主學而學舍頽弊為甚捐錢三十萬米數十石重修他邑有學亦加整葺

貢院

郡昔遇科舉即僧舍為試所忠定史公鎮越時得爽塏

地乾道九年守錢端禮首創貢院其時舉人比今僅及其半嘉定十五年歲適大比守汪綱乃重行整葺且增屋三十間視庭下地雖稍廣遇雨則泥濘不能容足又命鑿石加甃坦然如砥士子便之院前待試地亦計工石填砌為永久利云

小教場

小教場原在卧龍山上頗為隘狹嘉定十五年守汪綱命以作院地創築前建臺門繚以牆垣中為堂曰雄威

以為常教之所

軍營

府之軍營凡十有二曰雄節係將第一指揮曰威捷第二係將指揮曰威果係將第二十二指揮第二十三指揮不係將第五十四指揮曰全捷係將第四指揮第五指揮曰全捷不係將第十三指揮曰廂軍崇節第一指揮第八指揮曰壯城指揮曰牢城指揮廢壞久不葺軍兵皆僦居于外嘉定十六年守汪綱葺舊外添創屋一

千餘間盡括軍兵遷入營壘於是軍制稍嚴整矣

都作院在小教場之側嘉定十五年守汪綱創建凡屋三十餘間

倉

苗米倉在府衙東

糯米倉在西門外

並嘉定十五年守汪綱重修及添造

庫

勅書架閣庫

聖節儀仗庫

書板庫

東甲仗庫

西甲仗庫

陳設庫

銀器庫

書籍庫

雜物庫

軍資庫

公使庫

椅桌庫

轎庫

炭庫

牙契局

果子局

燈油局

賣酒交錢局

府治局

樂部局

以上並郡守汪綱創建及重修越為都督府益嚴除
戎之備而斷甲朽器頽垣敗壁馴習浸久漫不加省
汪捐緡錢三萬打造器甲二千副開東西甲仗庫舊
址建屋四十五間石楹輓甃聳易舊觀視諸庫局
尤為宏壯

場務

激賞庫酒樓在照水坊
都酒務酒樓在蓮花橋

並郡守汪綱建

館驛

通川亭

問津亭

並在府倉南廢為酒肆久矣嘉定十六年郡守汪綱
重修且增創他屋若厨湑之屬悉皆備具以為往來
者館寓之所

嵯縣

訪戴驛在縣之訪戴坊嘉定八年令史安之重建于東門之外

上虞縣

懷謝驛在縣之東邑有東山晉謝安嘗遊故云

坊巷

坊巷之名見於前志者僅二十餘嘉定十七年守汪綱始新其華表重揭扁榜凡九十六所又斜橋坊路乃台明往來之衝也每遇雨苦於泥濘綱復命伐石甃砌二

州往來者甚便之王狀元坊其廢已久故前志止載詹
莫二坊網訪問得其舊址鼎新再建

第一廂

外竹園坊

裏竹園坊

晉昌坊

元貞坊

外鍾離坊

裏鍾離坊

靜林坊

甘露坊

外梧柏坊

裏梧柏坊

杏花坊

親仁坊

目連坊

秀童坊

義井坊

新路坊

小新坊

都亭坊

法濟坊

孝義坊

禮裡坊

第二廂

棚樓坊

花行坊

日池坊

月池坊

照水坊

小德政坊

寶幢坊

廣陵坊

石灰坊

朴木坊

樂義坊

永福坊

押隊坊

諸善坊

上黨坊

義井坊

祥符坊

詹狀元坊

莫狀元坊

第三廂

西河坊

小驛坊

南市

富民坊

華嚴坊

鐵釘坊

蕙蘭坊

德惠坊

大市門坊

治平坊

甲子坊

開元坊

南觀仁坊

獅子坊

雲西坊

菩提坊

耀靈坊

植利坊

采家坊

柴場坊

京兆坊

天井坊

水溝坊

大新坊

河南坊

施水坊

船場坊

府橋坊

桐木坊

槿木坊

愛民坊

第四廂

賢良坊

火珠坊

少微坊

板橋坊

北市

瓦市

雙橋坊

水澄坊

新河坊

大路坊

石灰坊

錦鱗坊

武勲坊

畫錦坊

迎恩坊

草貌坊

筆飛坊

斜橋坊

戒珠坊

王狀元坊

第五廂

教德坊

卧龍坊

車水坊

顯應坊

秦望坊

禮遜坊即義里今為竹園坊昔有紀伯與陳囂隣修藩籬而侵其地囂不較又益與之伯慙亦退所侵因成通衢郡守多之因目曰義里今長慶寺乃二人之宅華鎮詩云隣里相歡起美談通衢高柳碧毵毵至今風俗輕虞芮目擊岐周始自慚

會稽

廣平路在稽山門外東南一十里廣平程師孟元豐初

為守華鎮覽古云民服其政日有餘裕放浪於山水間
泛鏡湖款禹祠探藏書訪丹井攬宛委之秀挹若耶之
勝往來必由稽山之蹊山中之民相率而治之芟繁夷
險使肩輿安行飛蓋無阻師孟字公闢時為侍郎路以
公名

嵎縣

前志嵎縣一十坊今二十四坊

訪戴 秀異 字民 佐理 集賢 招提 繼錦

通安 繼孝 齊禮 遷善 桃源 兆慶 迎春

嘉會 仁德 絃歌 醴泉 清河 進德 妙音

豐義 成俗 化民

繼錦坊按縣有繼錦鄉舊名治化天聖中邑人史綸登進士第其子叔軻繼之縣令魏琰改今名

蕭山

清風坊晉許詢所居故號曰許君里

招賢坊梁江淹所居故號曰江君里覺苑寺即淹之宅

也

園圃

西園在卧龍山之西府治據卧龍形勝處龍之口府東門也龍之尾西園也景祐中唐詢作蔣堂曲水閣詩序則以園創於堂今以齊唐王公池記攷之自吳越時已為遊觀之地蓋後來廢不葺治至堂始復其舊觀耳非創於堂也守吳裕嘗葺之未幾亭宇多壞嘉定十六年汪綱復增葺之又創憩棠一亭頗為華麗云

府廨

唐元微之云州宅居山之陽凡所謂臺榭之勝皆因高
為之以極登覽嘗以詩誇於白樂天云州城縈繞拂雲
堆鏡水稽山滿目來四面常時對屏障一家終日在樓
臺星河影向檐前落鼓角聲從地底回我是玉皇香案
吏謫居猶得小蓬萊誦其詩則當唐盛時州宅之勝可
想而知也乾寧中董昌叛即廳堂為宮殿昭宗命錢鏐
討平之以鏐為節度鏐惡昌之偽跡乃撤而新之故元

微之與李紳諸公所登臨吟賞之處一皆不存若滿桂樓海榴亭杜鵑樓其迹已不復可考而名傳於世者蓋以諸公之詩也建炎已後又復頽毀而本朝諸公登臨之處亦不可復考如逍遙堂井儀堂五雲亭披雲望雲二樓者殆不可勝數凡州宅之堂舍亭館見于今者悉著錄之庶來者有所考云

州宅後枕卧龍而面直秦望自錢鏐再建壞而復修不知其幾嘉定十五年守汪綱以謂其敝已極弗治則不

可枝矣於是外自譙樓以至設廳旁由廊廡吏舍內自寢堂燕坐庖湍之所悉治新之鳩工于嘉定十五年春落成於十六年冬內外罔不一新

按錢鏐重建在唐天祐元年甲子

此按鏐重建軍府署記

至嘉

定十六年癸未實三百二十年其再新若有數云

常衙廳在儀門之東舊頗迫窄守汪綱至是始闢其址而增廣之廊廡畢備上為秦望閣不知作于何時趙抃嘗有詩則熙寧之前已有之矣

自此至棟蓼堂皆汪綱重修

清思堂在常衙廳之後不知作於何時張伯玉趙抃皆有詩今刻石於堂上

青隱軒在常衙廳之東政和間王仲巖作

延桂閣在清思堂之側前有巖桂甚古守趙彥倓建王補之摘杜子美賞月延秋桂之句以名樓之下為寢處燕坐之所便房夾室悉備蓋館士所寓之地也

按汪綱更新之且添創他屋及庖湍之所居者頗以為便

招山閣在棣萼堂之下不知作於何時舊名清涼閣守
洪邁改今名

雲近在招山閣之右宅堂之廊廡也趙彥倓建蓋取杜
子美雲近蓬萊常五色之句以名

棣萼堂在雲近之下紹熙元年洪邁領郡以其兄丞相
适乾道中嘗出守邁取綸告中語有矧伯氏棠陰之舊
增一門棣萼之華故名

燕春在清思堂後守汪綱創建摘張伯玉燕寢長居紫府

春之句以名

雲根在州宅後守汪綱創建摘張伯玉州宅近雲根之句故名

四面屏障在州宅後守汪綱創建摘元微之四面常時對屏障之句以名

步輦在州宅之後守汪綱創建取沈紳雲隨步武輦頭穩之句以名

拂雲在州宅後子城之下守汪綱創建摘元微之州城

縈繞拂雲堆之句故名

晚對在州宅之後洪邁所建取杜甫翠屏宜晚對之句以名覆之以茅已頽毀不存守汪綱即舊址再建

無塵在州宅之上拂雲之左守汪綱創建摘張伯玉疎竹間花陰了無塵境侵之句以名

蓬萊閣在設廳之後卧龍之下章棣作蓬萊閣詩序云不知誰氏創始

按閣乃吳越錢鏐所建案偶不知爾淳熙元年其八

世孫端禮重修乃特揭於梁間云定亂安國功臣鎮東鎮海兩軍節度使檢校太師侍中兼中書令食邑一萬戶實封六百戶越王鏐建其名以蓬萊者蓋舊

志云蓬萊山正偶會稽

舊志今已不傳沈少卿神和孔司封登蓬萊閣詩云三山

對峙海中央自注于下云舊志蓬萊山正偶會稽

元微之詩云謫居猶得住

蓬萊錢公輔記云後人慷慨慕前修高閣雄名由此起故云自元祐戊辰章樂修之又八十七年錢端禮再修之又四十八年汪綱復修綱自記歲月於柱云

蓬萊閣登臨之勝甲於天下自昔以來不知其凡幾
壞幾修矣邇年其壞尤甚而修之於嘉定十五年歲
次壬午十一月己巳朔十五日己未者郡守新安汪
綱仲舉也

鎮越堂汪綱創建綱自紀於柱云由蓬萊閣而下凡三
級始達廳事承平時皆有堂宇廢圯已久後來者乃由
中鑿磴道以便往來而饗軍延見吏民之所遂為通行
之路非獨失帥府之觀瞻而于陰陽家之說尤為妨忌

郡寢不如昔民亦多艱未必不由於此嘉定辛巳予自
憲移帥即有意稍復舊觀顧力未贍弗暇明年秋公帑
稍有銖積于是補苴罅漏芟夷草萊築一堂於上以鎮
越名之蓋東南之鎮其山曰會稽而鎮東又越之軍額
也名實其核地高而爽堂奧而明秦望諸山皆欣然領
會有效奇獻秀之勢又創行廊四十間于兩翼聯屬蓬
萊併與閣一新之山川朝拱氣象環合而斯堂之勝遂
獨擅于越中矣工既畢功姑記歲月於此是歲九月辛

未新安汪綱書堂之匾榜三大字大丞相史魯公之筆也

月臺在鎮越堂之前汪綱創建舊嘗有望月臺壞已久其址亦不知在何所唯王十朋一詩尚傳云明珠遙吐卧龍頭漸覺清光萬里浮人望使君如望月更闕

莫如鉤綱蓋寓舊名於此也

雲壑在卧龍之東汪綱創建前有喬松甚古綱自記於柱云嘉定壬午五月郡守新安汪綱作雲壑于卧龍之

東峯蓋百花亭之舊址也黃太史詩云老松閱世卧雲
壑回首滄江無萬牛而此堂之下蒼髯老榦雲霧深藏
雪壓霜侵不改其操是宜其高卧閱世縱有萬牛焉能
動哉

清曠軒在雲壑之側嘉定十五年汪綱自記於柱云章
棗蓬萊閣詩序謂四時之景不同而所同者自然之清
曠也此語當矣西園舊有亭名清曠亭廢不存復寓此
名于斯軒噫何獨此名為寓而斯軒亦直寄焉耳

觀風堂紹興中曹泳所建王十朋詩云薄俗澆風有萬
端欲將眼力見應難但令心境無塵垢端坐斯堂便可
安堂廢吳格再建汪綱又葺之

秋風亭在觀風堂之側其廢已久嘉定十五年汪綱即
舊址再建綱自記於柱云秋風亭辛稼軒曾賦詞膾炙
人口今廢矣余即舊基面東為亭復創數椽於後以為
賓客往來館寓之地當必有高人勝士如宋玉張翰來
游其間遊目騁懷幸為我畱其毋遽起悲吟思歸之興

云

望海亭在卧龍之西不知始於何時元微之李紳嘗賦詩則自唐已有之矣昔范蠡作飛翼樓以壓强吳此亭即其趾也祥符中高紳植五桂於亭之前易其名曰五桂歲久亭既廢桂亦不存嘉祐中刁約增廣舊址再建復名望海自作記以志嘉定十五年汪綱重修

多稼亭在望海亭之下嘉定十年王補之修改今名嘉定十五年汪綱重修

越王臺

按祥符圖經云在種山東北種山蓋卧龍之舊名也
今臺乃在卧龍之西舊有小茅亭名近民久已廢壞
嘉定十五年汪綱即其遺址創造而移越王臺之名
於此氣象開豁目極千里為一郡登臨之勝且俾曾
耆年篆三大字立石而刻之別為亭以覆之亭在臺
之左

清白堂在蓬萊閣之西卧龍山之足康定中范仲淹所

作

按仲淹堂記云獲廢井泉清而色白因命其堂曰清
白庶幾居斯堂而無忝其名堂廢不存久矣嘉定十
五年汪綱命訪其所云都廳即其處也乃別創都廳
重加整葺而復范之舊匾

賢牧堂在清白之側舊以祠范文正公乾道四年史忠
定公始以趙清獻公並祀乾道八年守方滋又增祀朱
忠靖公勝非趙忠簡公鼎張文靖公守翟忠惠公汝文

嘉定十四年守吳格又以史忠定合祀為七人袁燮作
記汪綱重修

真武堂土地祠舊在蓬萊閣下室暗尤甚汪綱移建於
卧龍山之西崇善王祠之前特為顯敞

崇善王祠蓋卧龍山之神也在山之西錢鏐所建祠有
石幢乃鏐刊梁貞明三年封神為崇善王勅牒鏐自列
其銜于後云啓聖匡運同德功臣天下兵馬大元帥尚
父守尚書令吳越王鏐立汪綱既移真武土地堂于是

并祠修之此三祠靈應特異

街衢

越為會府衢道久不修治遇雨泥淖幾於沒膝往來病
之守汪綱亟命計置工石所至繕砌浚治其湮塞整齊
其嶽崎除門陌之穢污復河渠之便利道塗堤岸以至
橋梁靡不加葺經畫有條役且無擾始于府橋至軒亭
及南北兩市由府前至鎮夷軍門賢良坊至府橋水澄
坊至鯉魚橋沿河夾岸迤邐增築暨大小路迎恩門內

外至鴻橋

一作紅

牽匯坦夷如砥井里嘉歎實為悠久惠

利云

會稽續志卷一

欽定四庫全書

會稽續志卷二

宋 張湜 撰

提刑司

提刑司在府治之東與蓬萊館相望嘉定十六年知府事兼提刑汪綱以其敝陋乃撤其壞甚者六七而鼎新之且增創吏舍架閣庫并錢酒什物文籍諸庫又新其公餘燕坐之所屬官議事之廳及亭館樓觀罔不畢新

曰澄清堂

有淳熙中倪思所作堂記

曰棣華堂

淳熙初芮燁建以其兄晁乾道中嘗蒞是

職故云

曰和樂堂曰盡心堂

宣和元年蔡佃建

曰清閟亭

疊石為岩洞而

冠亭于上茂林叢竹交映左右頗為幽雅

曰稽山閣

其址即火珠山也有乾道中程大昌賦刻梓揭

於梁間

又創敬簡堂於簽廳之左

提舉司

提舉司在蕙蘭坊其燕坐之所則有雲錦

植荷花

東窻澄

齋爰咨堂風月堂

虛豁爽塹可以瞻眺下有方沼前疊石為山老木三四雜植花竹其趣頗

佳

廳堂之右有小圃中有二亭曰扶疎曰清逸

安撫題名

帥守姓名前志止於嘉泰初元李公大性今自嘉泰三年辛公棄疾以後備錄於左

辛棄疾以朝請大夫集英殿修撰知嘉泰三年六月十一日到任當年十二月二十八日召赴行在

林采以太中大夫集英殿修撰知太平州除寶謨閣待制改知嘉泰四年四月初十日到任開禧元年五月十二日宮觀

周秘以中大夫充集英殿修撰知開禧元年七月五日

到任二年四月二十一日除寶謨閣待制宮觀

趙師昇以太中大夫知開禧二年五月十三日到任當

年六月十一日除寶謨閣學士知廬州

錢象祖以降授中大夫知開禧二年八月二十二日到
任九月六日復通議大夫開禧三年二月四日召赴
行在

章燮以朝請大夫直文華閣知開禧三年二月二十八
日到任十月十三日以應辦成肅皇后山陵有勞特

轉朝議大夫十一月四日召赴行在

李珣以朝散大夫直寶謨閣知開禧三年十一月二十五日到任嘉定元年七月二十九日除侍右郎官

黃由以寶謨閣學士正議大夫知嘉定元年九月二十一日到任三年四月十六日除刑部尚書兼直學士院

留恭以朝奉大夫直寶謨閣知嘉定三年六月二十二日到任至嘉定五年四月十七日宮觀

趙彥倓以朝散大夫兩浙東路提點刑獄公事除直寶謨閣知嘉定五年八月十六日到任七年七月二十一日除直徽猷閣再任當年十月十三日磨勘轉朝請大夫八年八月二十九日除太府少卿

葉箋以朝請大夫兩浙東路提點刑獄公事除直祕閣知嘉定九年二月十一日到任當年十一月六日罷吳格以朝散大夫直祕閣知嘉定九年十二月六日到任次年二月十三日丁母憂

王補之以中奉大夫知婺州復祕閣修撰知嘉定十年三月六日到任十二年三月二十二日除右文修撰提舉建康府崇禧觀

沈皞嘉定十二年三月二十四日以朝議大夫祕閣修撰浙東提點刑獄被旨兼權至當年八月十二日除太府卿

吳格以朝散郎直祕閣知嘉定十二年九月二十六日到任次年十月磨勘轉朝請郎十四年十月五日除

直煥章閣樞密副都承旨

汪綱以朝奉大夫直祕閣兩浙東路提點刑獄公事除煥章閣知嘉定十四年十二月十七日到任次年四月轉朝散大夫十一月轉朝請大夫十七年正月除太府少卿二月兼權司農卿四月除直龍圖閣知十月覃恩轉朝議大夫寶慶元年四月應辦寧宗皇帝梓宮有勞除右文殿修撰當年七月以職事修舉奉聖旨除集英殿修撰特令再任三年十一月除寶謨

閣待制依舊知紹定元年三月磨勘轉中奉大夫七月以收糴椿管米及數轉中大夫十二月初三日召赴行在

汪統紹定元年十二月二十九日以朝散郎直寶章閣浙東提刑兼權三年三月磨勘轉朝請郎五月以糴椿積米特轉朝奉大夫四年四月該遇皇太后慶壽恩轉朝散大夫五月二十一日與宮觀

葉崇紹定四年五月二十一日以朝議大夫直寶謨閣

浙東提舉暫兼七月十六日除提刑仍舊兼權十月十三日交割與程徽猷

程覃以中大夫直徽猷閣知紹定四年十月十三日到任六年九月因應辦恭聖仁烈皇太后梓宮事務有勞除祕閣修撰十一月十三日除司農卿

葉崇以中大夫直寶謨閣浙東提刑於紹定六年十一月七日除金部郎官未上當月十五日除徽猷閣知端平元年十一月十六日依舊職差知太平州

黃壯猷端平元年十一月以朝請大夫金部郎官除直
祕閣知十二月十二日到任三年十一月十五日除
尚右郎官

李鳴復嘉熙元年二月以端明殿學士朝奉大夫簽書
樞密院事兼參知政事除資政殿學士知十七日到
任當年六月二十三日召赴行在八月十六日除參
知政事

潘剛中嘉熙元年十月十九日以朝議大夫浙東提刑

暫權十二月磨勘轉中奉大夫二年閏四月十三日
交割與趙大資

趙善湘以資政殿大學士銀青光祿大夫沿海制置使
兼知慶元府於嘉熙二年三月依舊職知閏四月十
三日到任三年六月二日依舊職提舉臨安府洞霄
宮

余天錫嘉熙三年六月除資政殿學士知七月十六日
到任四年四月初三日召赴行在

蔡範嘉熙四年四月以朝請大夫新除司農卿除直徽猷閣知六月二十一日到任淳祐元年五月磨勘轉朝議大夫九月除直龍圖閣依舊知二年二月十六日召赴行在奉事六月九日除司農卿

史巖之淳祐二年三月以龍圖閣學士通奉大夫知十月初十日到任三年三月磨勘轉正議大夫四年七月十三日除端明殿學士依舊知十七日改知福州章頤淳祐四年七月二十一日以朝散大夫直華文閣

浙東提舉暫權十月十六日交割與史閣學

史宅文淳祐四年七月以華文閣學士通奉大夫知十月十九日到任十二月磨勘轉正議大夫五年十一月以職事修舉除敷文閣學士依舊知六年三月十六日除工部尚書

趙性夫淳祐六年四月五日以前奉大夫直秘閣浙東提刑兼權十月除直華文閣令再任依舊兼權七年五月六日除直徽猷閣知八年正月除大理少卿未

上二月除直寶文閣依舊知七月兼提舉十月三日
令赴行在奏事九月除宗正少卿

趙希樸淳祐八年十二月以中奉大夫新除司農少卿
兼檢詳除直華文閣知九年正月十一日到任當月
兼權提舉六月三日罷

洪巖淳祐九年六月九日以朝散郎浙東提刑劄兼權
七月十七日被旨暫兼權十一月交割與吳大資

吳潛淳祐九年八月以資政殿學士太中大夫知十一

月八日到任十二月八日除同知樞密院事兼參知政事

洪巖淳祐九年十二月十八日再以朝請郎直祕閣浙東提刑劄兼權十年三月十三日被旨兼權八月十二日除刑部郎官二十一日除直寶謨閣知尋別與州郡差遣

馬天驥淳祐十年八月二十七日以朝請大夫直祕閣浙東提舉被旨兼權十月五日除宗正少卿十四日

除祕閣修撰知仍兼提舉十一年十月十二日除權
兵部侍郎十七日除知慶元府

樓治淳祐十一年十月以中奉大夫集英殿修撰知閤
十月初八日到任十一月十一日暫兼提舉十二年
正月十三日暫兼提刑四月磨勘中大夫八月依舊
職提舉江州太平興國宮

程洙淳祐十二年八月十二日以朝奉大夫浙東提舉
時暫兼權寶祐元年三月二十四日交割與集撰陳

侍郎

陳顯伯淳祐十二年八月以太中大夫集英殿修撰新
知婺州改知寶祐元年三月二十四日到任二年正
月十二日除權兵部侍郎

厲文翁寶祐元年十月以承議郎集英殿修撰知二年
正月二十九日到任四月以前知臨安府職事有勞
特轉朝奉郎十月二十六日依舊職改知慶元府

史字之寶祐二年十月以煥章閣學士太中大夫知十

二月十四日到任四年正月以職事修舉特除徽猷閣學士仍知十月八日召赴行在十一月一日除工部尚書

顧巖寶祐四年十月二十五日以承議郎浙東提刑時暫兼權五年八月初四日交割與謝祕撰

謝奕修以中奉大夫太府卿除祕閣修撰知寶祐五年八月初四日到任六年七月初四日除右文殿修撰賜紫章服依舊任開慶元年八月初一日除集英殿

修撰依所乞提舉隆興府玉隆萬壽宮仍賜金帶許
令服繫二十一日交割與厲待制

厲文翁開慶元年六月以朝奉大夫徽猷閣待制知八
月二十一日到任十月二十九日除寶文閣待制知
臨安府十一月初八日交割與何敷文

何夢祥以朝奉大夫試司農卿兼知臨安府除直敷文
閣與厲待制兩易開慶元年十一月初八日到任景
定元年二月初六日除直徽猷閣主管建寧府武夷

山沖佑觀

葉隆禮景定元年二月以朝奉大夫除直寶文閣知十六日到任四月二十六日交割以次官離任

鄭雄飛景定元年五月初五日以朝散大夫直寶章閣浙東提舉被旨時暫兼權七月十七日交割與謝集撰

謝堂景定元年五月以朝奉大夫集英殿修撰知七月十七日到任十月除寶章閣待制提舉佑神觀仍奉

朝請特賜金帶許令服繫

林光世景定元年十月二十八日以朝奉大夫浙東提
舉被旨時暫兼權十二月初十日交割與祕閣季戶
部

季鏞以朝散郎知溫州除左曹郎官未供職間除直祕
閣知景定元年十二月初十日到任二年七月二十
六日以職事修舉陞直寶謨閣依舊任十二月初九
日被旨時暫兼權提舉三年五月初九日除將作監

十一日陞直煥章閣依舊知十一月初八日陞直寶
文閣令再任十二月二十日除直龍圖閣兩浙轉運
副使

楊瑱景定三年十二月以朝議大夫右文殿修撰新知
寧國府除集英殿修撰知四年二月二十七日到任
十月十九日令赴行在奏事

朱應元景定四年十月二十五日以朝請郎直徽猷閣
浙東提舉被旨時暫兼權五年正月初五日除直顯

謨閣浙東提刑兼提舉仍暫權二月二十六日除監
察御史兼崇政殿說書

提刑題名

提點刑獄置使始於淳化三年兩浙皆隸所部熙寧九
年分兩浙為東西路明年復合建炎四年用熙寧法復
分為二自置使以來中間嘗兼用武臣建炎間省去乾
道中復置淳熙末又省自紹聖以上其姓名皆不可考
元符以後始有壁記故得以著錄

白具元符三年正月初四日以朝散郎到任

王祖道元符三年七月二十日以朝散大夫到任

胡師文崇寧元年三月初四日以朝散大夫到任

程遵彥崇寧元年

闕月

日以朝請大夫到任

蔡肇崇寧元年七月二十四日以朝奉郎到任

虞謨崇寧元年十二月十六日以承議郎到任

周彥質崇寧二年二月初五日以朝請郎到任十二月

二十五日移淮南轉運副使

強浚明崇寧三年三月初五日以朝奉郎到任四年九月初六日罷

祖理崇寧三年六月二十九以朝散郎到任四年二月十四日罷

黃克俊崇寧四年四月二十九日以朝散郎到任五年十二月二十四日移知光州

馬瑄崇寧五年正月十九日以朝請大夫到任大觀元年正月初八日罷

董正封大觀元年二月初九日以中散大夫到任當年
閏十月初四日除發運副使

錢景逢大觀元年二月二十日以朝奉大夫到任當年
閏十月十五日移江東提刑

盛章大觀二年三月以奉議郎到任當年十月初八日
除兵部員外郎

畢漸大觀二年十一月以朝散郎到任大觀三年四月
罷

朱維大觀三年三月十四日以中大夫到任政和元年七月二十五日移知興仁府

蔡安持大觀四年五月以朝請大夫直祕閣到任政和元年六月召赴闕

李景夏政和元年四月以朝散郎到任當年五月罷虞謨政和闕年七月十八日到任以朝奉大夫到任政和三年正月二十六日罷任

周邦式政和二年六月以朝請大夫到任三年四月十

七日移江東提刑

羅選政和三年四月以朝散郎到任當年十一月除少府少監

盧天驥政和六年六月十九日以朝散郎到任政和八年閏九月初九日除左司員外郎

周格政和八年閏九月十四日以朝請大夫到任當年十月十八日罷任

蔡佃政和八年十一月十七日以朝請郎直祕閣到任

宣和元年八月十三日罷任

鄭南宣和二年二月二十五日以朝散郎到任當年七月二十二日罷任

張苑宣和二年七月二十三日以中奉大夫直祕閣到任宣和三年二月二十三日罷任

楊應誠宣和三年二月初八日以武功大夫成州團練使到任宣和五年五月二十日移河北河東宣撫使管勾機宜文字

章綽宣和三年三月二十六日以朝散大夫到任宣和四年六月十三日就除知越州

高士瞻宣和三年七月初二日以武顯大夫兼閤門宣贊舍人到任當年九月初九日依舊淮南提刑

王仲閔宣和四年六月二十九日以朝請郎直祕閣到任宣和五年五月二十日除本路轉運副使

胡邃宣和五年六月二十四日以中奉大夫到任宣和七年五月除北郎中

柳宗傑宣和七年以朝奉郎到任

季質靖康二年以朝奉郎直龍圖閣到任

王翺建炎四年以朝奉郎到任

韓膚冑建炎四年三月以朝散郎到任七月致仕

施垌建炎四年八月以朝請大夫到任紹興二年正月

分過浙西

孫近紹興二年正月以左朝議大夫充祕閣修撰到任

二年轉左中奉大夫三年三月除祕書少監

張宗臣紹興三年四月以左朝奉大夫到任十月罷

周綱紹興三年十月以左奉議郎到任四年四月召赴
行在

明橐紹興四年四月以左奉議郎到任六年正月致仕
劉一止紹興六年二月以左承議郎直顯謨閣到任八
年二月滿罷

謝祖信紹興八年三月以左承事郎直祕閣到任九年
正月召赴行在

范同紹興九年正月以左朝請郎直寶文閣到任八月
召赴行在

李維紹興九年九月以右朝奉郎直祕閣到任十年四
月與福建提刑宋孝先兩易

宋孝先紹興十年四月以左中奉大夫直祕閣到任十
月通理滿罷

呂用中紹興十年十二月以右宣教郎到任十二年十
二月改知泉州

范振紹興十三年正月以左朝請大夫到任九月罷

吳序賓紹興十三年十月以右朝奉大夫到任十四年

四月與知泉州呂用中兩易

呂用中紹興十四年八月以右奉議郎直祕閣到任十

五年五月宮祠

朱敦儒紹興十五年六月以左朝奉郎到任十六年十

二月罷

林師說紹興十七年六月以右朝請大夫到任十二月

罷

秦昌時紹興十七年十二月以左朝散郎提舉權十九年除直祕閣正除及再任至二十四年十二月致仕曾幾紹興二十五年十二月以左朝請大夫到任二十六年三月改知台州

宋裴紹興二十六年三月以左朝請大夫到任二十七年三月改知揚州

邵大受紹興二十七年四月以左朝請大夫提舉權十

一月正除二十八年十月改浙西提刑

徐度紹興二十九年六月以左朝請郎到任三十年七

月除樞密院檢討

樊光遠紹興三十一年三月二十六日以左朝奉郎到
任三十二年九月除吏部員外郎十月續奉聖旨樊
光遠以疾稱嗣可依舊浙東提刑十月十日還任隆
興元年六月成資替

王葆隆興元年六月十三日以左朝請大夫到任乾道

元年二月二十一日宮祠

任文薦乾道元年四月十三日以左朝請郎到任乾道二年三月二十八日召赴行在

張津乾道二年五月二十七日以左朝請郎到任乾道三年五月除直祕閣知明州

柳大節乾道三年六月以右朝奉大夫到任當年八月
罷

芮曄乾道四年十一月以左朝散郎到任乾道五年八

月除國子司業

程大昌乾道五年九月以左朝奉郎直龍圖閣到任乾道七年六月除江東運副

乾道六年六月二十三日奉聖旨諸路各置武臣提刑一員

張方乾道六年十月以武功大夫兼閤門宣贊舍人到任乾道七年八月致仕

范成象乾道七年八月以左朝散郎到任乾道九年改

除福建提刑

張掄乾道七年十月以均州防禦使到任乾道九年正月除利州觀察使知池州

鄭興裔乾道九年六月以武功大夫江州觀察使到任淳熙元年四月除浙西提刑

趙彥端乾道九年九月以左朝奉大夫直寶文閣到任淳熙元年三月宮祠

韓侯淳熙元年八月以武節大夫高州刺史到任淳熙

三年二月宮祠

胡仰淳熙元年十一月以朝散大夫直祕閣到任淳熙二年三月罷任

吳交如淳熙二年四月以朝散大夫直祕閣到任十月召除大理少卿

芮輝淳熙二年十二月以朝散大夫到任淳熙四年十月以職事修舉除直顯謨閣當月召除祕書少監

傅自得淳熙五年七月以朝散郎直祕閣到任當年八

月罷

趙益淳熙五年十月以武德大夫文州刺史到任淳熙七年十一月再任淳熙八年八月召除知閤門事

鞏湘淳熙五年十二月以朝散大夫直敷文閣到任淳熙七年十二月改知廣州

姚宗之淳熙七年十二月以承議郎到任淳熙八年八月除江西提刑

傅淇淳熙八年九月以朝請大夫到任淳熙九年九月

改浙西提刑

張詔淳熙八年十一月以武經大夫到任淳熙十年五月改江東提刑

邱密淳熙十年七月以朝奉大夫直祕閣到任淳熙十一年十二月初二日改知平江府

趙公碩淳熙十二年二月初五日以朝議大夫直龍圖閣到任淳熙十三年六月宮祠

延璽淳熙十三年七月二十五日以武功大夫高州刺

史到任淳熙十三年五月二十三日除知閣門事

趙不違淳熙十五年六月十六日以武經大夫到任淳

熙十六年正月罷

周頡淳熙十六年正月二十八日以朝議大夫直顯謨

閣到任紹熙元年二月二十一日除福建運使

蔡戡紹熙元年四月十一日以朝散大夫直寶文閣到

任當年七月二十八日除中書門下省檢正諸房公

事

林提紹熙元年八月二十六日以朝請郎到任紹熙二年七月十八日磨勘轉朝奉大夫當日改江西轉運判官

虞儔紹熙二年八月初七日以朝奉大夫到任二年二月初二日得旨與郡

陳倚紹熙三年三月六日以朝散大夫直徽猷閣到任四年二月十七日除大理卿

陳杞紹熙四年三月二十八日以奉直大夫到任慶元

元年正月十一日除右侍郎官

謝源明慶元元年二月二十五日以朝請大夫直煥章閣到任當年十一月二十一日召赴行在

李大性慶元元年十二月十九日以朝散大夫到任慶

元三年三月闕日召赴行在

張伯核以朝請大夫監察御史除慶元三年三月二十
八日到任當年十一月二十一日除直華文閣知紹
興府

張孝曾以朝請大夫新湖南運判除慶元四年正月初
五日到任當年四月二十七日除福建運使

俞豐以朝請大夫浙西提舉除慶元四年五月二十七
日到任次年四月二十九日除直祕閣當年十月十
七日除中書門下省檢正諸房公事

李洪以朝奉大夫浙東提舉除慶元六年閏二月二十
八日到任當年五月二十九日罷

周秘以朝議大夫湖北提刑除慶元六年十月二十四

日到任嘉泰元年正月十三日以應辦有勞除直敷
文閣當月十九日宮祠

闕

煥以中奉大夫太常少卿除直顯謨閣除嘉泰元年
六月初六日到任嘉泰二年四月二十六日召赴行
在

時佐以中大夫直華文閣淮南運判除嘉泰二年十二
月三十日到任

施康年以朝請大夫福建提刑除嘉泰四年三月三日

到任當年十月二十七日除司農卿

權安節以朝散大夫司農卿除充祕閣修撰除嘉泰四年十一月十七日到任當年十二月十六日改差知

鄂州

趙時逢開禧元年正月初十日以朝散郎直祕閣到任
次年正月十七日召赴奉旨除左曹郎官

傅伯成開禧二年四月十四日以朝議大夫到任當年
十一月初六日除直龍圖閣知慶元府

李珣以朝奉大夫江東提刑除開禧三年四月十五日
到任當年十月內應辦有勞特轉一官當年十一月
十九日除直寶謨閣知紹興府

孫昭先以朝散大夫吏部郎中除開禧三年十二月二
十九日到任嘉定二年二月十七日召赴行在除尚
左郎官

譙令憲以朝散大夫直顯謨閣知婺州除嘉定二年八
月初四日到任四年九月初四日除直寶文閣江東

運副

趙彥倓以朝散大夫考功郎中除嘉定四年十二月十五日到任次年四月十六日除直祕閣當年八月初一日除寶謨閣知紹興府

王渥以朝奉大夫浙東提舉除嘉定五年八月十六日到任次年三月二十八日除知贛州

程覃以朝散大夫浙東提舉兼權慶元府除嘉定六年十月二十三日交割職事仍舊兼權知慶元府嘉定

八年五月二十五日除侍右郎官

葉箋嘉定八年六月二十一日以朝請大夫賜紫金魚袋到任嘉定九年正月一日除直祕閣知紹興府

沈暉以朝議大夫祕閣修撰知平江府除嘉定十年七月初十日到任十二年八月十二日除太府卿

汪綱以朝請郎直祕閣新知婺州除嘉定十二年十二月十三日到任十四年十月兼權紹興府十二月除直煥章閣知紹興府兼權十七年四月除直龍圖閣

知紹興府兼權寶慶元年四月除右文殿修撰再任
仍兼二年七月除集英殿修撰再任仍兼二年九月
乞差正官旨依

麋溧以太常少卿除寶慶二年十月初五日到任

汪統以侍右郎官除紹定元年十二月二十八日到任
四年五月二十一日宮觀

葉崇紹定四年五月二十一日以浙東提舉暫兼七月
十六日正除隄刑八月七日到任六年十一月四日

除金部郎官十三日除直徽猷閣知紹興府浙東安撫使

李大謙以尚右郎中除端平元年正月初八日到任
牛大年以侍左郎官除端平元年三月十一日到任當
年八月二十四日除直敷文閣主管建康府崇禧觀
曹豳以浙西提舉除端平三年二月二十九日到任十
一月十八日召赴行在除工部郎官又除國子司業
未行又除左司諫

潘剛中以太府寺丞除嘉熙元年三月三日到任二年
閏四月二十三日召赴行在除侍右郎官

項容孫以侍右郎官除嘉熙二年五月二十二日到任
三年二月七日除尚左郎官

章謙亨以知衢州兼嘉熙三年六月十一日交割十二
月十三日除直祕閣浙東提刑兼知衢州嘉熙四年
十一月宮觀

馬光祖淳祐元年二月十九日以浙東提舉兼權九月

十一日除直寶謨閣浙西提刑

徐鹿卿淳祐元年七月五日以江東運判知太平州除
九月十日除直祕閣依舊提刑仍暫兼提舉於十月
二十日到任

呂午以新知泉州除淳祐二年十一月初四日到任三
年四月二十七日除監察御史

陳晉接以祕書省著作郎兼宗學博士兼權侍左郎官
於淳祐三年六月初五日除仍時暫兼權婺州十九

日交割本司職事淳祐四年二月免兼婺州回司三月二十七日除將作少監

趙性夫以右曹郎官除淳祐四年九月一日到任六年十月十八日除直華文閣再任淳祐七年五月六日除直徽猷閣知紹興府浙東安撫

楊伯喆以吏部郎官除淳祐七年五月十六日到任八年正月一日除樞密院檢詳諸房文字

高斯得以知嚴州除淳祐八年七月二十八日到任九

月二十一日除江西運判

洪巖以江西提舉除淳祐八年十一月十六日到任九

年十一月九日除直祕閣依舊十年

闕

月十二日除

刑部郎官二十一日除直寶謨閣知紹興府浙東安

撫

蔡抗以江東提刑除淳祐十一年三月二十二日到任

七月二十三日依舊直寶謨閣浙東提刑兼知婺州

次年正月一日除國子司業兼資善堂贊讀

袁立儒以福建提舉除淳祐十二年十二月二十二日

到任

尤端以度支郎官除寶祐元年十月初七日到任

饒虎臣以前福建運副改湖北運副兼知鄂州未赴除

於寶祐二年十月十七日到任四年正月一日除太

府卿

汪應元以主管建康府崇禧觀依舊職除寶祐四年三

月二十一日到任

顧岳以大宗正丞兼刑部郎官除於寶祐四年九月五日
到任除直祕閣職任仍舊十一月十七日除左曹

郎官

何夢祥以軍器監兼崇政殿說書除於寶祐五年十一
月二十八日到任開慶元年九月二十日除直華文
閣湖南提刑二十六日除司農卿兼臨安府浙西安
撫

陳仁玉開慶元年十一月初四日以祕書郎兼禮部郎

官兼崇政殿說書除直祕閣浙東提刑兼知衢州十
一月初十日到任景定元年五月二十九日特陞直
華文閣依舊八月十一日陞直敷文閣依舊九月初
二日回司二十九日離任

魏克愚以金部郎官除景定二年正月二十八日到任
五月一日除直祕閣依舊仍兼知婺州兩具辭免二
十二日除直寶章閣兩浙運判

孫子秀景定二年五月二十三日以浙西提刑陞直華

文閣除仍兼知婺州當年七月十一日到任景定三年正月十九日依所乞免兼婺州回司二月初二日離任

曹孝慶以前湖南運判陞直寶章閣除景定三年四月二十二日到任九月初六日除右正言兼侍講

李芾端平憲大譙之子以知吉州除仍兼權知溫州於景定三年十二月十二日交割職事四年十一月二十六日赴行在奏事五年二月初四日除浙西提刑

朱應元以浙東提舉進直顯謨閣除景定五年二月初
八日交割二十六日除監察御史

提舉題名

提舉常平倉事創於熙寧二年崇寧中又置提舉茶
鹽事紹興中合常平茶鹽為一司初置治于蘇大觀中
又徙杭宣和以後遂定治于越自熙寧以來或併或省
治所移徙亦不一以故姓名不復可考斷自宣和六年
孫莊以下備錄如左

孫莊宣和六年四月十八日以朝請郎到任宣和七年
二月十六日得替

王賜宣和七年四月初四日以通直郎到任當年七月
初八日罷

鄭松年宣和七年七月初八日以通直郎到任建炎二
年八月初三日得替

張伯舊建炎二年八月初三日以通直郎到任當年九
月初十日致仕

李遷建炎二年十一月初二日以朝請大夫到任建炎三年九月二十三日致仕

蔡向建炎四年二月初七日以承議郎到任紹興二年二月初十日得替

王然紹興二年二月初十日以右朝奉大夫到任紹興三年三月初六日罷

韓協紹興三年三月二十七日以右奉議郎到任紹興五年四月初七日得替

韓臨亨紹興五年四月二十七日以左朝奉大夫到任
當年閏二月十三日奉聖旨常平併入茶鹽司仍以
提舉茶鹽常平等公事為名紹興七年四月二十九
日得替

胡說修紹興七年四月二十八日以右朝請大夫到任
紹興九年正月初五日致仕

張宇紹興九年三月十七日以左朝請郎到任當年九
月十三日奉勅常平司職事依舊令提刑司兼管紹

興十年七月初九日除司勳郎官

王鈇紹興十年十月初六日以右朝請郎到任紹興十二年十月二十一日得替

虞流紹興十二年十月二十一日以右朝奉郎到任紹興十三年九月二十六日罷

韋壽成紹興十三年十二月二十一日以右朝奉大夫到任紹興十五年正月二十九日改除浙西提舉茶鹽

高世定紹興十五年三月十九日以右朝請大夫直顯謨閣到任當年八月十一日改除浙西提舉茶鹽

鄭僑年紹興十五年八月二十七日以右朝奉大夫直

祕閣到任當年八月二十六日奉聖旨改充提舉常

平茶鹽公事紹興十七年七月十二日除江東運使

秦昌時紹興十七年八月初一日以左承議郎到任紹

興十九年閏月日在任改除浙東提刑

游揆紹興二十年十月初二日以右朝奉郎到任紹興

二十二年六月初三日致仕

高百之紹興二十二年六月二十九日以右通直郎直
祕閣到任紹興二十四年十二月十八日改除溫州
黃兌紹興二十五年正月初二日以右朝請大夫到任
權當年六月二十一日正除當年十一月二十五日
罷

趙公稱紹興二十六年四月初七日以左承議郎到任

紹興二十七年二月

間

日除江西運判

邵大受紹興二十七年三月二十三日以左朝散大夫到任當年十一月十六日除浙東提刑

都絜紹興二十八年四月二十九日以左朝奉大夫到任紹興三十年二月初一日改除戶部郎官總領錢糧

張庭實紹興三十年五月初七日以左朝散大夫到任紹興三十二年十二月二十三日得替

喻樗紹興三十二年十二月二十四日以左朝奉大夫

到任乾道元年二月二十五日得替

高敏信乾道元年二月二十六日以左朝散大夫到任

乾道元年八月十二日罷

宋藻乾道元年八月二十一日以左朝散郎到任乾道

三年四月初五日主管台州崇道觀

徐歲乾道三年八月二十六日以左朝散郎到任乾道

五年六月初三日知秀州

蘇嶠乾道五年十月初五日以右朝奉郎到任乾道七

年六月初八日召除吏部郎官

唐閔乾道七年六月二十一日以右朝散郎到任當年七月二十四日改除戶部郎官淮西總領

鄭良嗣乾道七年八月初九日以右承議郎到任乾道九年九月十八日除福建提刑

劉孝驥乾道九年十月十一日以右朝奉大夫直祕閣到任淳熙元年八月內除直徽猷閣當月二十六日赴召

折知常淳熙元年九月初二日以宣教郎到任淳熙二年三月十五日罷

陳舉善淳熙二年四月十九日以承議郎直龍圖閣到任淳熙三年七月十七日除浙西提刑

何稱淳熙三年八月二十七日以朝散郎到任淳熙四年八月十五日改福建提舉

姚宗之淳熙四年八月十七日以承議郎到任淳熙六年二月二十五日除浙東提刑

李宗質淳熙六年三月初八日以承議郎到任當年十一月
一月初四日罷

趙韞淳熙六年十一月十四日以承議郎到任淳熙八年
年十二月初五日得替召赴行在

朱熹淳熙八年十二月初六日以宣教郎直祕閣到任
淳熙九年九月十二日除直徽猷閣除江西提刑

余禹成淳熙九年九月二十三日以承議郎到任淳熙
十年十月二十三日罷

勾昌泰淳熙十年閏十一月初八日以奉議郎到任淳熙十二年十月二十二日除浙西提刑

岳甫淳熙十二年十一月十一日以承議郎到任淳熙十三年十二月十四日知明州

田渭淳熙十四年二月十七日以奉議郎到任次年六月內除直祕閣十六年正月內除考功郎官

袁說友淳熙十六年正月十八日以朝請大夫到任當年七月十三日改除浙西提刑

鄭湜淳熙十六年八月十七日以承議郎到任紹熙二年二月十二日知建寧府

李沐紹熙二年四月十七日以朝奉郎到任當年九月十六日改江東提舉

黃唐紹熙二年十一月初一日以朝請郎到任紹熙三年十月閏日奉聖旨與郡

陳杞紹熙三年十二月初二日以奉直大夫到任紹熙四年三月二十八日除本路提刑

衛涇紹熙四年五月十九日以朝散郎到任是月二十七日丁母憂

李謙紹熙四年七月十五日以承議郎到任紹熙五年八月初四日赴召

李大性紹熙五年十月二十三日以朝散郎到任慶元元年十二月十九日除本路提刑

莫漳慶元二年五月初七日以朝議大夫直祕閣到任當年八月二十四日罷

劉誠之慶元二年十一月初四日以朝奉大夫到任慶元四年五月二十七日除直祕閣知平江府

趙公豫慶元四年七月十一日以中奉大夫到任慶元五年五月二十日召赴行在

李洪慶元五年七月初三日以朝奉大夫到任慶元六年閏二月二十八日除本路提刑

葉籤慶元六年八月二十八日以朝奉郎直祕閣到任嘉泰元年正月內除直煥章閣當年十月內改除江

東提舉

張經嘉泰元年十二月初二日以朝請大夫到任嘉泰三年八月內改除湖北提刑

李泐嘉泰三年十月初八日以朝散大夫到任嘉泰四年二月二十日磨勘轉朝請郎大夫當年六月二十六日召赴行在

章燮嘉泰四年七月十九日以朝散大夫到任開禧元年八月十三日磨勘轉朝請大夫二年三月除寶謨

閣再任三年二月進職一年差知紹興府

魯开開禧三年四月十九日以朝奉大夫到任當年十
二月初六日轉朝散大夫嘉定二年正月內被召

孟植嘉定二年四月初五日以朝請大夫到任嘉定三
年四月二十日罷

王遇嘉定三年七月二十四日以朝散郎到任嘉定四
年閏二月初六日改除大宗正丞

王渥嘉定四年閏二月初十日以朝請郎到任當年十

一月初六日磨勘轉朝奉大夫嘉定五年八月初一日除本路提刑

程覃嘉定六年正月十四日以朝奉大夫到任當年七月初四日磨勘轉朝散大夫當年十月十一日除本路提刑兼權知慶元府

韓元禮嘉定六年十月二十九日以通直郎到任當年十二月十二日因進玉牒轉奉議郎嘉定八年八月二十八日除刑部郎官未赴當年十月初九日

以鹽課增羨轉承議郎當日除直祕閣知慶元府

李琪嘉定八年十二月初五日以承議郎到任嘉定九年五月二十三日兼權本路提刑嘉定十年正月十一日除禮部郎官

趙伋夫嘉定十年正月二十四日以朝散郎到任當日兼本路提刑次年三月初一日磨勘轉朝請郎當年十月二十六日除福建運判

喻珪以朝散郎知台州除嘉定十一年十一月十六日

到任當月三十日磨勘轉朝請郎次年二月初九日
因任台州日催督捕獲強寇有勞轉朝奉大夫八月
十三日兼權本路安撫提刑嘉定十三年九月十三
日除知大宗正丞

章良朋嘉定十三年十一月初七日以承議郎到任以
磨勘轉朝奉郎嘉定十四年九月二十八日兼權知
慶元府因該遇進寶赦特轉朝散郎以調度兵將捕
獲海寇轉朝請郎十五年十二月十四日除尚左郎

官

齊碩嘉定十六年十月十七日以通直郎到任在任轉
奉議郎十七年七月被旨兼權慶元府當年覃恩轉
承議郎寶慶元年十一月除金部郎官

金鑄寶慶二年正月十一日以朝請郎到任寶慶三年
四月差知汀州

李壽朋寶慶三年十月十九日以朝請大夫直寶章閣
到任紹定元年十一月除左曹郎官十二月除直寶

謨閣知平江府

余鑄紹定元年以朝奉大夫十二月十二日到任當月
二十七日除右曹郎官兼右司郎官

葉崇紹定二年正月以朝請大夫到任十二月暫權台
州四年二月除直寶謨閣依舊回司暫權浙東提刑
紹興府浙東安撫七月依舊職除浙東提刑暫權提
舉紹興府浙東安撫

黃壯猷紹定六年以朝奉大夫九月二十六日到任十

一月暫權提刑端平元年七月除金部郎官

曾天麟端平元年以朝散大夫八月初一日到任二年

十二月除都官郎官

陳振孫端平三年二月初六日以朝散大夫知台州兼
權八月正除十月二十八日到任嘉熙元年五月改

知嘉興府

衛洙嘉熙元年以朝請郎六月十七日到任二年十月

十七日除右曹郎官

范鎔嘉熙三年以朝奉大夫四月二十六日到任四年十一月除侍左郎官

馬光祖嘉熙四年以朝請大夫直祕閣十二月二十六日到任淳祐元年二月兼權提刑九月進直寶謨閣除浙西提刑

袁立儒淳祐二年以朝奉大夫直祕閣五月初三日到任三年二月除侍右郎官

童頤淳祐三年以朝散大夫直寶謨閣五月初一日到

任四年六月除將作監七月除直華文閣依舊浙東
提舉五年七月滿替

章端子淳祐五年以朝奉郎七月二十四日到任六年
八月兼權温州十月離任

趙與杰淳祐六年以朝請郎軍器監除十一月二十一
日到任八年正月除司農少卿二月除直寶謨閣依
舊浙東提舉暫兼提刑六月除太府卿

嚴粲淳祐九年以朝請郎八月二十一日到任十年正

月除倉部郎官

馬天驥淳祐十年以朝請大夫直祕閣二月十八日到任十月除宗正少卿又除祕閣修撰知紹興府仍兼提舉

謝奕修淳祐十一年以朝議大夫直華文閣閏十月初七日到任十一月初四日丁父憂

程沐淳祐十一年以朝請郎二月十二日到任八月十二日暫權紹興府寶祐元年四月離任

趙隆孫寶祐元年以朝請大夫六月十三日到任寶祐二年五月除直祕閣知泉州兼提舉福建市舶

吳革寶祐二年以朝奉郎八月十三日到任三年八月除尚右郎官兼權左司

季鏞寶祐三年以朝奉郎十一月初六日到任寶祐五年二月召赴行在奉事

趙瑛夫寶祐五年以朝議大夫四月十五日到任寶祐六年十二月赴都堂稟議

趙希樾寶祐六年以朝奉郎樞密院編修官兼權右曹
郎官權浙東提舉十二月初七日到任開慶元年二
月正除九月除右司

史闕之開慶元年以朝議大夫九月二十八日到任十

一月十九日離任

鄭雄飛景定元年以朝散大夫直寶章閣除暫兼權紹
興府浙東安撫司職事五月初八日到任當年八月
召赴行在奏事九月除尚左郎官兼太子侍讀


林光世景定元年以朝奉大夫將作監除十月十八日到任十一月時暫兼權紹興府浙東安撫二年五月除直祕閣依舊十月勅特賜同進士出身十一月除司農少卿

錢可則景定三年以承議郎直徽猷閣六月十五日到任十一月除左曹郎官四年正月除軍器監兼左曹郎官

朱應元景定四年以朝請郎直徽猷閣四月十三日到

任十月時暫兼權紹興府浙東安撫五年正月直顯謨閣除浙東提刑兼提舉時暫兼權紹興府浙東安撫二月除監察御史兼崇政殿說書

李獻可景定五年以奉議郎兼權提刑五月初一日到任



會稽續志卷二